



## UPRAVNI ODBOR

Broj: 01-74-3/26  
Sarajevo, 26. 01.2026. godine

U skladu sa članom 17. Zakona o javnim nabavkama („Službeni glasnik BiH“, broj 39/14, 59/22 i 50/24) i člana 12., a u vezi sa čl: 16. i 25. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj: 01-1344-6/2012 od 27.07.2012. godine, na prijedlog Direktora, Upravni odbor Kantonalnog stambenog fonda Sarajevo, na 19. redovnoj sjednici, održanoj dana 26.01.2026. godine, **d o n o s i**

### ODLUKU

**o davanju saglasnosti na I izmjenu Plana javnih nabavki Kantonalnog stambenog fonda Sarajevo za 2026. godinu**

#### I

Daje se saglasnost na I izmjenu Plana javnih nabavki Kantonalnog stambenog fonda Sarajevo za 2026. godinu, broj: 02-02-1073/25 od 09. 12. 2025. godine.

#### II

Izmjenom i dopunom Plana iz stava 1. ovog člana definišu se nabavke roba, usluga i radova koji će biti predmetom javnih nabavki Kantonalnog stambenog fonda Sarajevo u 2026. godini, a prema priloženom tabelarnom prikazu istih, rb. 35. računovodstvene usluge, koji je sastavni dio Plana.

#### II

Odluka stupa na snagu danom donošenja i objavit će se na web stranici Kantonalnog stambenog fonda Sarajevo.



**Predsjednik Upravnog odbora**

**Melisa Kavazović, dipl.ecc.**

## OBRAZLOŽENJE

### Pravni osnov

Pravni osnov za donošenje ove odluke sadržan je u odredbama člana 17. Zakon o javnim nabavkama kojima je propisano ugovorni organ, u ovom slučaju Kantonalni stambeni fond Sarajevo, može otpočeti postupak javne nabavke samo ukoliko je ista prethodno predviđena u Planu javnih nabavki, kao Općem aktu kojeg donosi ovo pravno lice u skladu sa Zakonom.

Osim toga, pravni osnov za donošenje ove odluke sadržan je i u odredbama čl. 12. i 16. Statuta Kantonalnog stambenog fonda, kojim je propisano da direktor Kantonalnog stambenog fonda Sarajevo predlaže Upravnom odboru donošenje općih i pojedinačnih akata Fonda, a Upravni odbor kao organ upravljanja poslovanjem Fonda, shodno članu 12. Odluke o osnivanju Kantonalnog stambenog fonda Sarajevo, između ostalog, obavlja i druge poslove za koje je ovlašten, uključujući i donošenje konačnih odluka.

### Razlozi donošenja

Razlozi donošenja ove odluke proizilaze iz potrebe da se, poštivanjem odredaba Odluke o osnivanju Fonda i Statuta Fonda, Upravni odbor odgovarajuće upozna sa sadržajem podnešene Odluke od strane direktora Fonda obzirom na činjenicu da je pomenutim propisima utvrđena njegova obaveza predlaganja pojedinačnih i općih akata Fonda, te da se o istoj meritorno odredi na predloženi način.

Prema Statutu Kantonalnog stambenog fonda Sarajevo, ali i prema njegovom Osnivačkom aktu, Opća akta ovog pravnog lica donosi Upravni odbor, ili daje saglasnost na iste na prijedlog Direktora istog pravnog lica koji je po posebnim zakonima nadležan za donošenja istih za određene pravne oblasti, što je slučaj i na primjeru predmetnog plana javnih nabavki Kantonalnog stambenog fonda Sarajevo kojeg je po Zakonu o javnim nabavkama Direktor obavezan donijeti za potrebe Kantonalnog stambenog fonda Sarajevo.

Predmet Odluke je davanje saglasnosti na dopunu Plana javnih nabavki Kantonalnog stambenog fonda Sarajevo za 2026. godinu, kao pravnog propisa/Općeg akta donešenog od strane Direktora ovog pravnog lica na što je bio obavezan u skladu sa Zakonom o javnim nabavkama, a što predstavlja prethodno pitanje da Kantonalni stambeni fond Sarajevo može uopće u 2026. godini provoditi postupke javnih nabavki za vlastite potrebe.

U konkretnom slučaju, Ugovorni organ je u skladu sa Zakonom, nakon provedenog postupka javnih nabavki putem Direktnog postupka, sa ponuđačem Profi Nova d.o.o. Sarajevo, potpisao ugovor o nabavci računovodstvenih usluga za period 01. 07. do 31. 12. 2025. godine, broj:02-02-559-8/25 od 02. 07. 2025 godine.

Predmetni ugovor je potpisan sa ciljem obezbjeđenja kontinuiteta vršenja ekonomsko finansijskih poslova u Kantonalnom stambenom fondu Sarajevo (u daljem tekstu: Fond) nakon što je uposlenica koja je obavljala poslove Stručnog savjetnika za ekonomske poslove, na lični zahtjev raskinula ugovor o radu sa Fondom iz razloga prelaska u drugu kantonalnu instituciju.

Fond je obzirom na obavezu postojećeg moratorija u Kantonu Sarajevo za dobijanje saglasnosti javnih privrednih subjekata za zapošljavanje od Vlade Kantona i resornog ministarstva, tražio, odnosno uputio dopise broj: 02-394/25 od 21. 04. 2025. godine, broj:02-394-2/25 od 14. 05. 2025. godine broj:02-394/25 od 30. 09. 2025. godine i broj: 02-394-3/ 25 od 25. 10. 2025. godine za popunu upražnjenog radnog mjesta Stručni savjetnik/saradnik za ekonomske poslove, međutim nikada nismo dobili odobrenje za prijem radnika na traženu poziciju od gore navedenih institucija.

Kako je istekao period potpisanog ugovora za računovodstvene usluge sa danom 31. 12. 2025. godine, te uvažavajući činjenicu da do sada Fond nije dobio odgovor na tražene saglasnosti za prijem radnika od Vlade kantona i resornog ministarstva, te da je tražena saglasnost za upošljavanje neizvjesna, nastupila je okolnost da je potrebno obezbjediti daljnji kontinuitet vršenja funkcija rada iz segmenta ekonomsko finansijskih poslova u Fondu.

Nadalje, Fond je dana 14. 01. 2026. godine u skladu sa Planom javnih nabavki za 2026. godinu pokrenuo postupak nabavke računovodstvenih usluga, putem konkurentskog postupka za dostavljanje ponude, gdje se prijavio jedan ponuđač koji je dostavio neupitnu dokumentaciju, te je predmetni postupak poništen shodno odredbama Zakona o javnim nabavkama BiH.

Sa ciljem obezbjeđenja kontinuiteta i neprekidnosti u vršenju računovodstvenih usluga u Fondu te kako bi se u potpunosti provodili i primjenjivali Zakoni koji tretiraju segment ekonomsko finansijskih poslova, te iz razloga što svako odgađanje ili zastoje rada navedenih funkcija može prouzrokovati značajnu štetu Fondu, odlučeno je da se pristupi izmjeni postojećeg Plana javnih nabavki u smislu promjene vrste postupka nabavke za računovodstvene usluge, direktni sporazum umjesto konkurentski zahtjev i izmjeni procijenjene vrijednosti 6.000 KM umjesto 8.000 KM. za gore navedene predmetne usluge.

Zbog zakonom predviđenih rokova za obračun i prijavu poreza, doprinosa i PDV-a, Ugovorni organ je u obavezi da osigura neprekidno izvršavanje ekonomsko finansijskih poslova. Neizvršenje navedenih obaveza bi prouzrokovalo štetne posljedice po Ugovorni organ u vidu novčanih kazni, zateznih kamata i odgovornosti upravljačkih i rukovodnih struktura.

Shodno naprijed navedenom, nije svrsishodno da se predmetna javna nabavka podijeli na lotove.

Cijeneći naprijed navedeno odlučeno je da se pristupi provođenju javne nabavke na način kako je to definisano ovom odlukom.

#### **Pravna rješenja**

**Tačka I.-** Ovom tačkom se vrši preciziranje predmeta razmatranja Odluke.

**Tačka II.-** Utvrđen je način stupanja na snagu Odluke.

#### **Finansijska sredstva**

Za realizaciju ove Odluke nije potrebno obezbijediti dodatna finansijska sredstva u Finansijskom planu Fonda.

**Kantonalni stambeni fond Sarajevo****Datum: 26. 01. 2026. godine**

Na osnovu Zakona o javnim nabavkama, ovlaštenjima iz člana 14. u vezi sa članom 16. Statuta Kantonalnog stambenog fonda Sarajevo, Plana javnih nabavki broj: 02-02-1073-2/25 od 26.01 2026. godine, te Odluke o davanju saglasnosti na Plan javnih nabavki Kantonalnog stambenog Fonda Sarajevo za 2026. godinu, Direktor donosi:

**I izmjene i dopunu Plana javnih nabavki za 2026. godinu**

Kantonalni stambeni fond Sarajevo

**Član 1.**

R. br	Izmjene i dopune Plana javnih nabavki N-novo P-promjen a B-brisano	Predmet nabavke	Šifra JRN/CPV kod	Vrsta postupka	Nabavka podjelje na na lotove	Zaključen ugovor/ili okvirni sporazum	Period trajanja ugovora ili okvirnog sporazuma	Procijenjena vrijednost (bez PDV-a)	Okvirni datum pokretanja postupka	Izvor finansiranja	Napomena
		<b>Usluge</b>									
35.	P	Računovodstvene usluge	79200000-6	Direktni postupak	Ne	Da	Januar - oktobar	6.000,00 KM	januar	Sredstva Fonda	(600,00 mjesečno)

**Član 2.**

Izmjene i dopune će se objaviti na internetskoj stranici Fonda ([www.ksfs.ba](http://www.ksfs.ba)) i internetskoj stranici Vlade Kantona Sarajevo (javne nabavke).

**Član 3.**

Odluka stupa na snagu danom donošenja.

Dostaviti:

- Odjel za pravne i ekonomske poslove
- Evidenciju
- a/a

